

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. II. Respondetur ad obiectiones.

[urn:nbn:de:hbz:466:1-73455](#)

sed ex eventu omnia diseret, cæco modo & sequentibus occurrent. Nunc utrum hac scientia sit S. Scr. SS. PP. D. Th. & ratione conformis videamus.

ARTICULUS II.

An scientia media sit conformis S. scripturæ?

SUMMARIUM.

1. *Negativa probatur à multiplici doctrina S. Script.*
2. *Et ex scientia futurorum contingentium sub conditione disparata.*
3. *Conditionales propositiones non patiuntur se explicitari per concomitantiam.*
4. *Achilles Adversariorum de Corozaitis.*
5. *Refellitur.*
6. *Admentem Apostoli & D. Augustini.*
7. *Exponitur locus ē libro sapientie.*

§. I.

Negativa Statuitur.

I. CONCLUSIO. Scientia media non bene coheret cum Sacra scriptura.

- Probatur primo. S. Scriptura affirms abso-
lutiūm DEI in nostris liberas voluntates &
actiones dominum; supremam in efficiendo &
prædefinendo, quicquid vult independentiam &
libertatem; universalem ejus in omnia prouiden-
tiam; prædestinationem certam non tantum cer-
titudine scientia, sed etiam causalitatis; intrin-
secam gratiæ virtutem & efficaciam: sed hæc om-
nia per principia scientia media immiuuntur:
ergo scientia media non est conformis doctrina
S. script. Majorem aquæ ac minorem partim
ostendimus; partim in decursu & ubi de decre-
tis efficacibus agemus, videbimus.
2. Probat secundò. Juxta principia scientia
media non est medium certò cognoscendi futura
contingentia sub conditione disparata: sed hoc
repugnat S. script. in qua habemus DEUM futura
sub conditione disparata enuntiassæ, adeoque certò
cognovisse. veluti 4. Reg. 13. si terram percussisse
quinquies aut sexies, iive septies, percussisse Syriam
usque ad consummationem. Sequela probatur:
ut hæc futura contingentia certò cognoscerentur,
debet certò cognosci illorum connexionem cum
conditione disparata: atqui hæc certò cognosci
nequit, nisi ex determinatione divina voluntatis,
cui tamen scientia media secundum Adversarios
præsupponitur: ergo etiam juxta principia scien-
tiae media hæc futura certò cognosci non possunt.
Minor prob. hæc conditio eo ipso, quod sit dis-
parata, ex se nullam habet connexionem cum fu-
turo: ergo illam tantum debet accipere à causa
extrinseca, nempe DEO: sed DEUS non nisi
per liberam suam determinationem est causa ad
extra, ergo.

3. Respondebis cum Amico per particulam si pos-
se denotari solam concomitantiam, non autem
illativam connexionem: & hanc cognosci à DEO.
Verum hæc responso efficaciter refutatur tum ab
illusterrimo Reding l. cit. n. 8. tum à Godoy ci-
tato n. 61. Nam primò, quod duo simul existant,

non sequitur, quod unum existat dependenter alio, ut si dicam: Petrus & Paulus current, non sequitur, quod Paulus currat sub condicione Petri currentis; atqui conditionalis propositio importat dependentiam futuri à conditione. Se-
cundò, sensus copulativus facit sensum absolu-
tum, unde si hac propositio, si Joas quinque
terram percussit, percussit Syriam usque ad con-
summationem, tantum significaret concomitan-
tiam, tunc foret iste sensus copulativus & absolu-
tus: Joas quinque percussit terram, & percussit
Syriam, &c. in quo sensu constat propositionem
esse fallam, cum neutrum eventurum fuerit, ergo
neque sub hoc sensu futura sub conditione dispa-
rata essent certò cognoscibilia.

§. II.

Respondetur ad objectiones.

O bjetcent illud Matth. 11. Ve tibi Corozaitis, &
facta fuissent virtutes, qua factæ sunt in vobis,
olim in cœlio & cincere penitentiam eisfiant. Vi-
dit ergo DEUS futuram conversionem Tyriorum
sub conditione, si hæc signa apud illos facerent,
quaæ fecit apud Corozaitas: atqui non vidit hanc
futuram penitentiam conditionata in decreto
prædestinativo: aliæ inanis fuisset exprobatio &
reprehensio Judæorum, siquidem prona fuisset
ipsorum responsio: si nos Tyriis paces feciles in
præordinando & prædefinendo ad penitentiam,
etiam nos fuissimus acti penitentiam: cur igitur
nos non similiter præordinasti, ac prædesti-
nasti? ergo videt DEUS futura conditionata in
ipla objectiva veritate futurorum per scientiam
mediam.

Ad hunc Achillem defensorum scientia mediæ,
paucis respondeo negando subsumptum, ejusque
probationem. Justa enim fuit reprehensio Ju-
dæorum, eò quod in auxiliis sufficientibus, vi-
quorum potuerint converti & agere peniten-
tiam, pares fuerint cum Sydoniis, & cum potu-
fuerint penitentes, propriæ voluntatis malitia peni-
tente noluerunt.

Necrefert, quod Judæi & Sidonii fuerint im-
pares in decreto præordinante & prædefiniente:
hanc ipsam quippe inæqualitatem, quam modò
objecunt Adversarii, iam Apostolus sibi objecet
Rom. 9. cum enim dixisset: Cujus vult, DEUS
misereatur, & quem vult, inducat, statim sub-
iungens sibi objicit: dices itaque mihi, quid ad-
huc queritur? Choc est interprete Corn. à Lap-
cur DEUS adhuc conqueritur, & succenfer im-
piis, cum ipse non dederit illam efficacem miseri-
cordiam, cuius voluntati nemo resistit) & nequa-
quam recurrit ad refugium scientia media, sed ad

in-

independentissimam DEI voluntatem, ejusque judiciorum incrutabilitatem, sic enim inquit: *O homo, tu quis es, qui respondeas DEO, Nam quid dicit figuratum ei, qui se fixit, quid me fecisti sic? An non habet potestatum filius luti, ex eadem massa facere aliud quidem vas in honorem; diu veris in consumeliam?*

Similiter D. August ad hanc ipsam objectio nem à Pelagianis factam nequam recurrit ad præfessionem scientie mediæ; sed partim ad divinæ voluntatis dominium, partim ad propriæ voluntatis defectum, prout mox pluribus referemus. Unde meritorum illius scientie defensoribus occinunt illud D. Bernardi ep. 190, *quid ergo tu, quid melius offeras, quid subtilius invenis, quid seceris tibi revelatum jactas, quod tot praterierit sanctis, effugerit apientes?* Ipsi quoque Adversariis solendum restat argumentum, cùm in plorum sententia Tyrii non fuissent acti pœnitentiam, nisi maiorem gratiam, quam Judæi acceptarent, maiorem latrem in esse gratia & beneficium, posito quoque in ipsis & ipsis circumstantiis, in quibus Tyrii fuissent consensi, Judæi non consenserunt, non fuerit in potestate Judæorum.

7. Obiectum secundò illud lap. 4. *Raptus est,*

nemalitia mutaret intellectum ejus, &c. placita enumerat DEO anima illius, propter hoc properavit educere illum de medio iniquitatum. Ubi Sapiens cautam expones, cur DEUS celeriori fato justum ex hac vita abripuerit; non recurrit ad decretum conditionatum prædefinitum; sic enim non potuisset dicere; placita erat DEO anima illius, quo pacto enim placita, qua prædefinita ad lapsum sub talis tentationis & occasionis conditione? sed recurrit ad scientiam conditionatam, in qua DEUS prævidit & præscivit justum lapsum, si diutius viveret.

Reip. Sapientem recurrere in hoc dicto ad ordinem prædestinationis Divinæ: illa enim anima est maximè DEO placita, qua est prædestinata & electa ad gloriam: quâ electione præsupposita DEUS ordinat beneficia, per qua electus ad finem gloriae efficaciter perdurat: inter qua potissimum est donum perseverantia, seu mors in statu gratia, priusquam anima tentationi succumbens labatur in peccatum mortale; quem lapsum DEUS prævidere potuit conditionate futurum non in vi decreti positivi (ut malè supponit obiectio) sed permisivi juxta superioris dicta.

ARTICULUS III.

An scientia media sit conformis SS. PP. præsertim Augustino.

S U M M A R I A.

1. Quanta sit in presenti autoritas S. Augustini?
2. Scientia media est aliena à doctrina S. Augustini ex confessione Adversariorum.
3. Quia fuit D. Augustino proposita.
4. Et ab ipso rejetta.
5. Contra primam repositionem Adversariorum ostenditur scientiam medium à S. P. rejectam non tantum quoad abusum, sed etiam quoad substantiam.
6. Contra secundam repositionem Adversariorum ostenditur D. Augustinum etiam intellectus futura conditionata.
7. Scientia media pugnat cum Augustiniana officia gratiae.
8. Diffinit in prima ratione discretionis.
9. Item in certitudine prædestinationis.
10. In sapientia DEI dominio supra nostras voluntates.
11. In inimpeditibilitate Divina voluntatis.
12. In explicatione futuriorum.
13. In concordia liberi arbitrii cum prædestinatione.
14. In intrinseca efficacia decretorum.
15. In modo solvendi argumenta semi-Pelagianorum.
16. Exponitur, qualem concursum intelligat S. Augustinus in l. de bono persever.
17. Et in l. ad Simplicianum.
18. Exponitur, quomodo per S. Augustinum possit esse præscientia sine prædestinatione.
19. Exponitur locus de Civitate, ubi S. P. in aqua-litter tentatis differentiam consensu adscriptum voluntati creata.

§. I.

Negativa statuitur.

Notandum. Cùm scientia mediæ doctrina ad liberum arbitrium cum efficaci gratia conciliandum potissimum sit instituta, maximam in hac materia & summè venerandam esse D. Augustini autoritatem, utpote de quo apud Bellarmum l. 2. de grat. & lib. arb. c. 11. adductis enim summi Pontifices testantur, illum sequi fidem Ecclesia Catholica, qui sequitur doctrinam istius Magistri gratia: Idcirco, cùm scientia media primò in scholis doceri capta & auctore Molina in l. de concord. grat. typis edita fuisset, multaque coram Clemente VIII. desuper disputationes habite, ille ipse summus Pont. tandem decrevit, ut deinceps tota de hac re disputatio ad normam doctrinae S. Augustini de gratia esset astricta, & tum ex ipso, tum ex angelico Doctore deduccretur: cuius decreti etiam sequentes causas expressit. Prima, est quia duce Augustino Ecclesia post 20. annorum pugnam Pelagianos vicit. Secunda, quod idem S. D. nihil videatur præmissile eorum, qua ad præsentes controversias discutiendas pertinent. Tertia, quia Pontifices prædecessores doctrinæ S. Augustini de gratia semper acres fuerunt assertores, ac vindices.

CONCLUSIO. Scientia media repugnat doctrinae S. Augustini & consequenter ejus Discipolorum Prospcri, Hilarii, Fulgentii, insuper & SS. Cypriani & Ambrosii, ex quibus D. Augustinus suam doctrinam confirmat.

Pro-